

黃帝內經



光緒己亥季秋
續谿程氏重刻



北京中医药大学图书馆版权所有

序

嘗考內經一書註者十有餘家其中理解明晰者均難出於吳君鶴皋之右矣吳君世本歙人隱居不仕其生平學問得力於靈素也最深故其發爲語言著作也亦最精而且當一音一義莫不與經旨息息相通所謂庖丁解牛批大郤而導大窾者技蓋已進乎道矣惜其自前明萬厯間所刊之板年湮世遠字畫模糊且不多覲彼市坊所翻刻者又往往辛羊亥豕舛謬相沿卽如金匱真言及方盛衰兩論中脫落之句尤屬重見叠出嗟乎禹碑漢鼎隨風雨以銷磨薛鼓魯壺慨文章之剝蝕使於此

而不徵其得失辨其異同則以訛傳訛而訛紐將何底乎 摩
挈蠹簡抱憾有年光緒丙申訪戴君於武陵始得購當年原板
眞不啻蘭亭墨蹟玉堂寶書繙閱一周喜溢眉宇竊幸有以參
考而校正焉今年春幸告成功隨付梓氏以公同好非敢藉以
炫世也蓋秦燔遭劫吾儒徒守殘編而魯壁發金聲此地尙留
善本而今而後凡有心斯道者庶幾乎去疑存信無別風淮雨
之嫌亦辨似返眞免帝虎魯魚之誤則所以救人救世而裨益
於天下也豈淺鮮哉

光緒戊戌時在仲春

梁安後學汀茵程櫟序

註黃帝內經素問序

參黃生吳崐撰

在昔有熊御宇軫念元元不無夭折欲躋而登諸壽域廼問於岐伯鬼臾區而作內經雷公受之以爲型範首天真次調神次生氣次病能上窮天紀下極地理中悉人事行之萬世不殆傳之者直以列於三墳自有醫籍以來茲其太上周秦而降豈不代有神良要其立言範世指不多屈無亦樹名易而作則難耶何靳靳也輓近拘方者言更僕未能悉舉非無燿然之明去上古而遙不啻居九壤而測九天也則而象之內經象日靈樞象



月覩日月而知衆星之蔑矣越人之問難士安之甲乙叔和之脈經其中天三垣歟斡旋日月而翼其明功足齒哉若張長沙之傷寒魁杓搖光也因時而建立萬世孰能忒焉施及孫思邈李明之劉完素朱彥修滑撻甯輩出互有闡明所謂辰之五緯非乎遲留疾伏殆非一步可紀外是纒一家言羅爲列宿假日成光亦能不墜神乎和華倉扁之雄無文可述方之景星慶雲曠世一見卑卑尺有所短寸有所長言焉不經與之上下軒岐如向盲夫而誇日月祇爲醫障最下異爲一途叛經行怪類如傷寒鈐法素問遺篇則妖氛爾字彗爾白虹爾薄蝕爾匪惟羲

和憂之具目者之所共憂也隋有金元起唐有王冰宋有林億
嘗崛起而訓是經庶幾昧爽之啟明哉待旦者較然覩矣獨其
爲象小明則彰大明則隱謂之揭日月而行未也不肖束髮修
儒無何徙業居常晷度有愆日求其旨而討論之不揣管陋釋
以一得之言署曰內經吳註業成欲懸書國門以博彈射徒以
雲山木石之夫無能千金禮士職是欲然斯道也如有岐雷者
作斥爲日月之蔽抑又何辭聞之曰不斑白語道失崐今四十
以長先半紀而見二毛無亦徵余言之有當哉當乎非余敢知
今之測景者旅矣惡能當夫賓日之目也

皇明萬曆甲午日躔大火書於黃山軒轅爐鼎之次



南京中醫藥大學圖書館版權所

內經素問吳註

寓歛楚黃張濤元裕甫序

軒轅氏以無爲之道合漠華胥而精以治身緒餘以治天下莫
有能廢者西漢謙讓之王嘗尊尙之以絀儒術下至曹平陽舍
蓋公以收不擾獄市之效於齊章章也獨治身度世其事秘稍
有可循之法在內經素問如岐伯論次之語從之則治逆之則
亂古今醫家靡不墳典宗之余謬起田間思用平陽之治齊者
以治歛未程厥效奚若乃有貞疾在於迷醒之間驚弦覆沐霍
然無期因上下素問等書庶幾發藥旣於節文補註叙之矣亡

何復見素問吳註寔吳生崐所纂定吳生歛良醫也前刻醫方
考百不失一又自以對病施治乃始用方聖人不治已病治未
病則素問諸論備焉而天元有四氣五運人身有六節五藏經
脈有三部九候變合有六微四失無奈解者之紛紛也無論離
經畔義徒以滋蠹卽四氏爲軒岐顏閔而各名其家互有同異
得吳生纂而定之指歸旣一經乃大明或又曰素問之有註在
宋嘉佑開局已刊正疑誤豈其始自吳生吳生蓋嘗業儒矣儒
者六籍皆紫陽衷裁其註疏讀者尊註必系之紫陽吳生取素
問各註一其指歸故曰吳註見吳生有功於素問也余將乞靈

素問除迷醒之疾則於斯註不無藉焉矣

萬曆己酉孟夏穀旦

內經

素問

二



南京中醫藥大學圖書館版權所

黃帝內經素問目錄

第一卷

上古天真論一

四氣調神大論二

生氣通天論三

金匱真言論四

第二卷

陰陽應象大論五

陰陽離合論六



陰陽刊論七

第三卷

靈蘭秘典論八

六節藏象論九

五藏生成論十

五藏別論十一

第四卷

異法方宜論十二

移精變氣論十三



湯液醪醴論十四

玉板論要篇十五

診要經終論十六

第五卷

脈要精微論十七

平人氣象論十八

第六卷

玉機真藏論十九

決死生論二十



第七卷

經脈別論二十一

藏氣法時論二十二

宣明五氣篇二十三

血氣形志篇二十四

第八卷

寶命全形論二十五

八正神明論二十六

離合眞邪論二十七



通評虛實論二十八

太陰陽明論二十九

陽明經脈解三十

第九卷

熱論三十一

刺熱論三十二

評熱病論三十三

逆調論三十四

第十卷



南京中醫藥大學圖書館版權所

瘧論三十五

刺瘧篇三十六

氣厥論三十七

欬論三十八

第十一卷

卒痛論三十九

腹中論四十

刺腰痛論四十一

第十二卷

